

LOREN ARKOTXA UDALBILTZAREN BATZORDE ERAGILEKO NAZIOARTEKO ARDURADUNA

«Gure eskuetan ditugun paper bakarrak agiri ofizialak dira»

Garbiñe Olaizola | DONOSTIA

Uruguain lurra hartu orduko atxilotu zituzten astelehenean Loren Arkotxa eta Xarlo Etxezaharreta Udalbiltzako Batzorde Eragileko Nazioarteko arduradunak. Epaileak aske utzi zituen kargurik gabe. Euskal diasporarekin elkartu ondoren, bihar iritsiko dira Bilbora. Atxilotetaz aritzeko asmoz EGUNKARIAK egindako deiari erantzun zion atzo Arkotxak Uruguaitik.


■ **Konta iezadazu nola gertatu ziren atxilotetak.**

Buenos Airestik Montevideoko hegaldia egin eta Carrascoko aireportura iritsi ginenean, berehala gure zain zegoen Polizia. Gela batera eraman gintuzten eta dokumentazioa hartu. Gure mailetak miatu eta dena buruz behera ipini ziguten. Ez zuten ezer esaten. Handik Montevideora eraman gintuzten, Inteligentziaren Departamentura. Ziega ilun eta zikin banatan sartu gintuzten. Niri egin zizkidaten galdera bakarrak izan ziren ea nola izena zuten nire aitak eta amak, eta zeintzuk ziren Euskal Herriko nire helbidea eta pasaporteko zenbakia.

■ **Epaileak zer nolako galderak egin zizkizuten?**

Uruguaira zertara joan ginen galdetu zigun. Erantzun genien proiektu batzuei buruz hitz egingera joan ginela eta gero Montevideoko Euskal Etxean hitzaldi bat eskaintzeko asmoa genuela. Hori esan eta gero pasaportea eskura eman ziguten eta kanpora irten ginen.

NEKANE AKARREGI



ARRAZOIAK

«Atxilotetaren arrazoirik ez digute jakinarazi. Ez dakit zeren bila ibili diren. Nire ustez, hau guztia jazarpen gogor bat izan da»

■ **Atxilotetaren arrazoirik jakinarazi al zizueten?**

Ez. Ez dute inolako arrazoirik eman. Ez dakit zeren bila ibili diren. Nire ustez, hau guztia jazarpen gogor bat izan da.

■ **Euskal Herriko hainbat hedabidek agiri faltsuak zeneramatzatela zabaldu dute. Zer diozu horri buruz?**

Gure eskuetan ditugun paper

bakarrak agiri ofizialak dira. Nik Espainiako pasaportea dut eta Xarlok Frantziakoa, eta dokumentazio horrekin ibili gara orain arte arazorik gabe, toki batean eta bestean. Argentinan ere ez dugu arazorik izan.

■ **Epaileak aipatu al zuen noizbait paper faltsuak zenituztenik?**

Ez zuen ezer esan horri buruz.

■ **Nola bizi izan da zuen atxiloteta Uruguain? Zer oihartzun izan da hedabideetan?**

Izugarrizko oihartzuna izan da. «Lau etakide atxilotuta, bi aireportuan», modu horretako titular handiak egon dira egunkarrietan. Telebistak ere garrantzi handia eman dio.

■ **Jendearen elkartasunik izan al duzue?**

Uruguako euskaldunek elkartasun handia adierazi digute. Epaitegitik kanpora atera ginean batzuek Euskal Herriaren aldeko oihuak bota zituzten eta horrek poz handia eman zigun.

■ **Uruguain izan aurretik Argentinan izan zineten. Zer nolako lana egin duzue?**

Argentinako Euskal Etxeen Konfederazioaren kongresuan izan ginen. Gero, euskal etxe zenbaitekin bilerak izan ditugu. Euskal Herriaren egoeraren berri eman eta gatazkaren funtsa zein den esplikatuz dugu; gatazka politikoa dela, alegia.

■ **Zer harrera izan duzue?**

Harrera denetarikoa izaten da. Diaspora nahiko anitza da. Euskal diaspora esaten dugunean sarritan denei ahoa betetzen zaigu, baina gure diaspora ere konplexua da.

■ **Datorren azaroan Udaltzainak antolaturik Euskal Herriari egingo den Estaturik Gabeko Nazioen Nazioarteko Konferentzia zabaldu ari zarete. Nola doa proiektua?**

Zertan datzan esplikatuz eta ordezkaritza bat bidaltzeko eskatu diegu. Gaia lantzen ari gara, aurreantolaketa prozesuan gaude.

ERREFUXIATUAK

**Josu Lariz
espetxeratu, eta
Ricardo Callao
aske utzi du
epaileak**


Erredakzioa | DONOSTIA

Astelehenean Uruguain atxilotutako Josu Lariz euskal errefuxiatua espetxeratzeko agindu zuen herenegun goizaldean (Uruguain arratsaldea zenean) Ana Lima epaileak. Egun berean atxilotutako Ricardo Callao iheslaria, berriz, aske utzi zuen epaile berak.

Larizi «delitu egiteko elkarte baten ustezko erantzulea» izatea leporatu dio epaileak. Montevideoko espetxe zentralan aurkitzen da preso.

Amnistiaren Aldeko Batzordeek gogoratu dutenez, Larizen kasuan Espainiak 1992an jada eskatu zuen bere estradizioa eta urtebete pasatxo egin zuen preso Uruguain. Baina, garai hartan Uruguai-ko justiziari Espainiak eginko estradizio eskaera atzera bota zuten eta Larizek bertan bizitzen jarraitzeko aukera izan zuen. Gainera, Uruguai-ko justiziak onartu zuen Larizi leporatu zizkioten delituen atzean arrazoi politikoak zeudela, eta beraz, estradizioa ukatu egin zuen.

Atxiloteten aurrean, Joseba Alvarez Batasuneko Nazioarteko Harremanetarako arduradunak azaldu zuenez, «euskal errefuxiatuen aterpe eskubidearen kontra jotzen dutenean, gatazka honen izaera politikoa ezkutara zi nahi dute».



PERTSONEKIN
5 • 5
PTA/MINUTUKO



Bost pertsona aukeratu eta minutuko bost pezetaren truke hitz egingo duzu. Egunero, orduro. Beti. Zuk nahi dituzun Euskaltel/Amenaren bost mugikorrek. Horrelakoa da **5ekin 5ean** zerbitzua. Euskaltel Mobilaren 10 Kontratuaren beste abantailatariko bat. Zure hurkoengandik minutu batean ere banatuta egon ez zaitez. Minutuko bost pezetaren truke bakarrik. Aukeratu zure bostak eta goza ezazu.

Jaso ezazu informazioa Euskalteko zure Salmenta Puntuari.

5ekin 5ean zerbitzua Euskaltel Mobilaren 10 KONTRATUA duten bezeroentzat besterik ez da. 5 pezeta hauek ez dute berne hartzen ez zergak ez dela ezarzteagatik kostua. Euskaltel S.A.-k eskaintutako telefona mugikorraren **amena** Zerbitzua.

K O N T R A T U A

Euskaltel
móvil